



ՎԻՄԱՄ ՍԱՐԴՅԱՆ

Բան ունեն ասելու

ԵՐԵՒԱՆԵՐԻ Սուրբ Ծննդյան երեկոն ռադիոյով հաղորդվում է Ափից Ափ: Նվագախումբը նվագում է «Ղողանջե՛ք զանգերը», ԵՐԵՒԱՆԵՐԸ երգում են ամբողջ ձայնով: Երգն ավարտ-վում է: ԵՐԵՒԱՆԵՐԸ ծափահարում են ու աղաղակում:

ՀԱՂՈՐԴԱՎԱՐ

(Միրալիրությանք)

Հրաշալի էր, երեխանե՛ր: Դե, ի՞նչ, զվարճանում ենք, չէ՞:

ԵՐԵՒԱՆԵՐ

(Բացականչելով)

Այոոոո՛:

ՀԱՂՈՐԴԱՎԱՐ

Տիկնա՛յք և պարոնա՛յք, եթե միայն կարողանայիք տեսնել այս երեխաների երջանիկ դեմքերը, ձեր սրտերը կջերմանային: Նրանք եկել են Նյու Յորքի ամեն անկյունից ողջունելու իրենց հին ընկեր Ձմեռ պապին այս հանդեսում: Երբ վերջին անգամ խոսեցինք Ձմեռ պապի հետ, նա Մոնրեալի կողմերում էր իր սահնակով ու հյուսիսային եղջերուներով: Բայց շուտով այստեղ կլինի: Նորից կանչե՞նք՝ «Ձմեռ պապի», երեխանե՛ր:

ԵՐԵՒԱՆԵՐ

(Բացականչելով)

Այոոոո՛:

ՀԱՂՈՐԴԱՎԱՐ

Շատ լավ: Կանչում ենք՝ «Ձը՛-մե՛ն պա՛-պի՛»: Կանչո՛ւմ ենք՝ «Ձը՛-մե՛ն-պա՛-պի՛»: Նե՛րս եկ, Ձմեռ պապ: Որտե՞ղ ես հիմա: (Հեռվից՝ ձյան միջից, լսվում է զանգերի ձայն):

ՁԱՅՆ

Ող-ջու՛յն: Ող-ջու՛յն: Ձմեռ պա՛պն է: Ես հենց Նյու Յորքի մոտերքում եմ: Ես կարողանում եմ տեսնել լույսերը: Շատ շուտով ձեզ հետ կլինեմ: Չհեռանա՛ք: Ինձ սպասե՛ք:

ՀԱՂՈՐԴԱՎԱՐ

Սպասե՞նք, երեխանե՛ր: Սպասե՞նք Ձմեռ պապին:

ԵՐԵԽԱՆԵՐ

(Բացականչելով)

Այոոոո՛:

ՀԱՂՈՐԴԱՎԱՐ

Օ՛հ, տիկնա՛յք և պարոնա՛յք, սա երեխաների ամենամեծ հանդեսն է, որ դուք երբևէ տեսել եք: Այս բեմի ամբողջ անկյունն զբաղեցրել է երբևէ աճած ամենաբարձր տոնածառը՝ ծանրաբեռնված ամենահրաշալի ընծաներով ամբողջ աշխարհի փոքրիկ, խելոք տղաների ու աղջիկների համար: Շատ շուտով Ձմեռ պապն ինքն այստեղ մեզ հետ կլինի, բայց քանի դեռ սպասում ենք, մի ուրիշ երգ չերգե՞նք, երեխանե՛ր:

ԵՐԵԽԱՆԵՐ

(Բացականչելով)

Այոոոո՛:

ՀԱՂՈՐԴԱՎԱՐ

Շատ լավ: «Լուռ գիշերը»:

(ԵՐԵԽԱՆԵՐԸ երգում են «Լուռ գիշերը»):

(Մինչ նրանք երգում են, սկիզբ է առնում այս խոսակցությունը: Մի ԵՐԻՏԱՍԱՐԴ և մի ԴՌՆԱՊԱՆ):

ԵՐԻՏԱՍԱՐԴ

Ներողություն: Էս ի՞նչ է:

ԴՌՆԱՊԱՆ

Ներեցե՞ք:

ԵՐԻՏԱՍԱՐԴ

Դե ասե՛ք: Ասե՛ք: Էստեղ մոտերքում ի՞նչ է կատարվում:

ԴՌՆԱՊԱՆ

Գիտե՞ք՝ սա Սուրբ Ծննդյան հանդես է երեխաների համար: Ես ստիպված եմ խնդրել ձեզ, որ հեռանաք:

ԵՐԻՏԱՍԱՐԴ

Լավ: Կհեռանամ, բայց... ինչպիսի՞ երեխաների համար:

ԴՌՆԱՊԱՆ

Աղքատ երեխաների:

ԵՐԻՏԱՍԱՐԴ

Երգողները նրա՞նք են:

ԴՌՆԱՊԱՆ

Ես վստահ եմ, որ երգողները երեխաներն են:

ԵՐԻՏԱՍԱՐԴ

Եղավ, ուրեմն հրաշալի է: Մարդ չի կարող ավելի լավ բան անել, քան փորձել երեխաներին երջանկացնել:

ԴՌՆԱՊԱՆ

Այո՛, սը՛ր, սակայն ստիպված եմ ձեզ խնդրել...

ԵՐԻՏԱՍԱՐԴ

Նրանք երջանիկ են, չէ՞:

ԴՌՆԱՊԱՆ

Ներեցե՞ք:

ԵՐԻՏԱՍԱՐԴ

Չարժե ամբողջ ժամանակ ներողություն խնդրել: Ասում եմ՝ երեխաները..., նրանք էլի... երջանիկ են, չէ՞:

ԴՌՆԱՊԱՆ

Որքանով որ ես կարող եմ ասել՝ այո՛, սը՛ր:

ԵՐԻՏԱՍԱՐԴ

Ինչի՞ց իմացաք:

ԴՌՆԱՊԱՆ

Ներեցե՞ք, սը՛ր... Ես ստիպված եմ խնդրել ձեզ...

ԵՐԻՏԱՍԱՐԴ

Էդ ո՞նց իմացաք, որ երեխաները երջանիկ են:

ԴՌՆԱՊԱՆ

Նրանք տխուր չեն երևում:

ԵՐԻՏԱՍԱՐԴ

Դուք երջանի՞կ եք:

ԴՌՆԱՊԱՆ

Առանց վախենալու, որ սուտ ասած կլինեմ, կարծում եմ՝ կարող եմ ասել՝ երջանիկ եմ, իսկ հիմա, բարի եղեք, սա երեխաների Սուրբ Ծննդյան երեկոն է: Սա մեծահասակների համար չէ:

ԵՐԻՏԱՍԱՐԴ

Ես մեծահասակ չեմ: Նկատի ունենալով, որ երբեք չեմ եղել երեխաների Սուրբ

Ծննդյան հանդեսում, ներկա կգտնվեմ էս մեկին:

ԴՌՆԱՊԱՆ

Խնդրում եմ, սը՛ր... սա աղքատ երեխաների համար է:

ԵՐԻՏԱՍԱՐԴ

Ես աղքատ եմ: Բայց սրա համար փող ունեմ, վերցրե՛ք: Սա ավելացրեք երեխաների համար նախատեսված դրամագլխին:

ԴՌՆԱՊԱՆ

(Ապշած)

Սա հարյուր դոլարանոց թղթադրամ է, սը՛ր:

ԵՐԻՏԱՍԱՐԴ

Ծախսե՛ք երեխաների համար: Ասեք, որ դա ուղարկել է... Անանուն մեկը:

ԴՌՆԱՊԱՆ

Այո՛, սը՛ր: Ծնորհակալություն, սը՛ր: Համոզված եմ, որ սա բազմաթիվ երեխաների երջանիկ կդարձնի:

ԵՐԻՏԱՍԱՐԴ

Իմ ուզածն էլ հենց դա է:

ԴՌՆԱՊԱՆ

Ծնորհակալություն, սը՛ր: Ծնորհակալություն: Կբարեհաճեի՞ք ավելի մոտ գնալ: Վստահ եմ՝ այդպես միանգամայն լավ կլինի:

ԵՐԻՏԱՍԱՐԴ

Չէ՛, չէ՛: Ինձ վերջին շարքն էլ հարմար է:

ԴՌՆԱՊԱՆ

Շատ լավ, սը՛ր: Ես փողը կտանեմ կոմիտե:

(ԵՐԵԽԱՆԵՐՆ ավարտում են «Լուռ գիշեր» երգը):

ՀԱՂՈՐԴԱՎԱՐ

Հրաշալի՛ էր, երեխանե՛ր:

(Դրամատիկական դադար):

Պատրաստ, երեխանե՛ր:

(Գոչելով)

Պահե՛ք ձեր շունչը: Ձմեռ պապն այստեղ է: Նա բեմում կհայտնվի ճիշտ մեկ վայրկյան հետո:

(ԵՐԵԽԱՆԵՐԸ ճշում են, բացականչում և ծափահարում):

ԵՐԻՏԱՍԱՐԴ

(Ժխորի միջից)

Ա՛յ թե երեխաները երջանիկ կլինեն: Ձմեռ պապը նրանց բոլորին կերջանկացնի:

(ՁՄԵՌ ՊԱՊԸ ժամանում է: ԵՐԵԽԱՆԵՐՆ ավելի բարձր են աղաղակում, քան երբևէ):

ՁՄԵՌ ՊԱՊ

Շնորհավոր Սուրբ Ծնունդ, երեխանե՛ր: Շնորհավոր Սուրբ Ծնունդ:

ԵՐԵԽԱՆԵՐ

Շնորհավո՛ր Սուրբ Ծնունդ, Ձմեռ պապի:

ՁՄԵՌ ՊԱՊ

Այսպե՛ս, այսպե՛ս, երջանիկ դեմքերով ի՛նչ հրաշալի խումբ է. նման բան չեմ տեսել: Դուք բոլորդ էլ խելո՞ք տղաներ ու աղջիկներ եք:

ԵՐԵԽԱՆԵՐ

(Բացականչելով)

Այոոոո՛:

ՁՄԵՌ ՊԱՊ

Ուրեմն հրաշալի է:

ՀԱՂՈՐԴԱՎԱՐ

(Շնչալով)

Տիկնա՛յր և պարոնա՛յր, երեխաները պատրաստվում են մեկ առ մեկ բեմ գալ և խոսել Ձմեռ պապի հետ: Առաջինը մի փոքրիկ աղջիկ է:

ՁՄԵՌ ՊԱՊ

Հապա տեսեք, թե ո՛վ է այստեղ: Անունդ ի՞նչ է, պատի՛կ աղջիկ:

ՓՈՔՐԻԿ ԱՂԶԻԿ

Մերի ՄըքԳերի:

ՁՄԵՌ ՊԱՊ

Մերի ՄըքԳերի: Քանի՞ տարեկան ես:

ՓՈՔՐԻԿ ԱՂԶԻԿ

Յոթ ու կես:

ՁՄԵՌ ՊԱՊ

Որտե՞ղ ես ապրում:

ՓՈՔՐԻԿ ԱՂԶԻԿ

Հարուր քավեց... Չէ՛: Հարուր վաթսուներկու Իսթ հարուր քավեց:

ՁՄԵՌ ՊԱՊ

Իսկ դու ի՞նչ ես ցանկանում Սուրբ Ծննդյան տոնի առթիվ:

(ՓՈՔՐԻԿ ԱՂԶԻԿԸ տատամսում է)

Հը՞:

ՓՈՔՐԻԿ ԱՂԶԻԿ

Ես ուզում եմ... ըր...

ՁՄԵՌ ՊԱՊ

Վա՛հ, վա՛հ, մի՞թե վախենում ես Ձմեռ պապից: Ի՞նչ ես ուզում Սուրբ Ծննդյան տոնի առթիվ:

ՓՈՔՐԻԿ ԱՂԶԻԿ

Մոռացա:

ՁՄԵՌ ՊԱՊ

Տիկնիկ ուզու՞մ ես:

ՓՈՔՐԻԿ ԱՂԶԻԿ

Ես տուն եմ ուզում:

ՁՄԵՌ ՊԱՊ

Խաղալիք – տուն: Էլ ի՞նչ:

ՓՈՔՐԻԿ ԱՂԶԻԿ

Խաղալիք – տուն չէ: Ես իսկական տուն եմ ուզում:

ՁՄԵՌ ՊԱՊ

(Ծիծաղելով)

Տուն: Էլ ի՞նչ:

ՓՈՔՐԻԿ ԱՂԶԻԿ

Մի մեծ սենյակ՝ լիքը խաղալիքներով: Մի ուրիշ սենյակ էլ՝ լիքը...

ՀԱՂՈՐԴԱՎԱՐ

Տիկնա՛յք և պարոնա՛յք, Ձմեռ պապն առաջին մանկանը տվեց Սուրբ Ծննդյան իր նվերը՝ կապույտ թղթով մի մեծ փաթեթ, իսկ այժմ երկրորդ երեխան է գալիս բեմ: Այս մեկը պատանյակ է՝ աշխարհի չափ մեծ ժպիտով: Եվ չտեսնված շիկակարմիր մազերով:

ՁՄԵՌ ՊԱՊ

Այսպե՛ս, այսպե՛ս. տեսեք, թե ո՛վ է այստեղ: Ի՞նչ է քո անունը:

ՏՂԱ

Մեկվին Աթեյ:

ՁՄԵՌ ՊԱՊ

Ի՞նչ-ի՞նչ:

ՏՂԱ

Մեկվին Աթեյ:

ՁՄԵՌ ՊԱՊ

Քանի՞ տարեկան ես, Մե՛րվին:

ՏՂԱ

Ոչ թե Մերվին, այլ Մեկվին: Մ-ե-լ-վ-ի-ն:

ՁՄԵՌ ՊԱՊ

Շատ լավ, Մե՛րվին: Դու քանի՞ տարեկան ես:

ՏՂԱ

Տասը:

ՁՄԵՌ ՊԱՊ

Տաս ու կե՞ս:

ՏՂԱ

Չէ՛: Ուղղակի տասը:

ՁՄԵՌ ՊԱՊ

Տասը և երկու ամսական, կամ վեց, կամ չորս ամսական կամ ինչքա՞ն:

ՏՂԱ

Չէ՛: Հենց տասը: Ծննդյանս օրը դեկտեմբերի 24-ն է: Էսօր:

(ԵՐԵԽԱՆԵՐԸ ծափողջունում են)

ՁՄԵՌ ՊԱՊ

Այսպե՛ս, այսպե՛ս, դե մի՞թե դա հրաշալի չէ: Երկու տոն միանգամից:

Տարեդարձը և Սուրբ Ծնունդը՝ մեկտեղ:

ՏՂԱ

Այո՛, սը՛ր:

ՁՄԵՌ ՊԱՊ

Իսկ որտե՞ղ ես ապրում, Մերվի՛ն:

ՏՂԱ

Մելվի՛ն, Ձմեռ պապի:

ՁՄԵՌ ՊԱՊ

Ի՞նչ...

ՏՂԱ

Մելվի՛ն: Մելվի՛ն:

ՁՄԵՌ ՊԱՊ

Այո՛, Մելվի՛ն: Իսկ որտե՞ղ ես ապրում:

ՏՂԱ

Երկուսի երեսունյոթ, Իսթ հարյուր քառասունհինգերորդ փողոց:

ՁՄԵՌ ՊԱՊ

Իսկ դու՞ ինչ ես ուզում Սուրբ Ծննդյան առթիվ:

ՏՂԱ

Մի գրամեքենա, հեծանիվ, ֆուտբոլի գնդակ ու մի մուշտակ մայրիկիս համար:

ՁՄԵՌ ՊԱՊ

Էլ ի՞նչ:

ՏՂԱ

Ու մի նոր կոստյում հայրիկիս համար:

ՁՄԵՌ ՊԱՊ

Էլ ի՞նչ:

ՏՂԱ

Եվ երկու իսկական լավ զգեստներ քույրիկներիս համար:

ՁՄԵՌ ՊԱՊ

Էլ ի՞նչ:

ՏՂԱ

Դե..., մի հեծանիվ էլ իմ ընկեր Հարրիի համար:

ՁՄԵՌ ՊԱՊ

Էլ ի՞նչ:

ՏՂԱ

Դե...

ՀԱՂՈՐԴԱՎԱՐ

Տիկնա՛յր և պարոնա՛յր, Ձմեռ պապը տղային հանձնեց Սուրբ Ծննդյան իր փաթեթը, իսկ այժմ համար երեք երեխան է գալիս բեմ: Գեղեցիկ սևամորթ մի աղջնակ:

ՁՄԵՌ ՊԱՊ

Այսպե՛ս, այսպե՛ս, հապա նայեք, թե ո՛վ է գալիս Ձմեռ պապի ձեռքը սեղմելու: Եվ ի՞նչ է քո անունը, փոքրի՛կ աղջիկ:

ԱՂՋԻԿ

Ալիս Լեոնորա Ուիլյամս:

ՁՄԵՌ ՊԱՊ

Իսկ քանի՞ տարեկան ես, Ալի՛ս:

ԱՂՋԻԿ

Ութ եմ՝ իննի մեջ:

ՁՄԵՌ ՊԱՊ

Իսկ դու՛ ի՞նչ ես ուզում Սուրբ Ծննդյան տոնի առթիվ:

ԱՂՋԻԿ

Ըը՛...

ՁՄԵՌ ՊԱՊ

Դե՛...

ԱՂՋԻԿ

...Մի գույգ շնուշկ, հեծանիվ ու մի կարմիր համազգեստ:

ՁՄԵՌ ՊԱՊ

Էլ ի՞նչ:

ԱՂՋԻԿ

Ըը՛...

ՁՄԵՌ ՊԱՊ

Էլ ի՞նչ:

ԱՂՋԻԿ

Մի կարմիր համազգեստ, ...ըը՛...

ՁՄԵՌ ՊԱՊ

Մի ուրիշ կարմիր համազգեստ էլ:

ԱՂՋԻԿ

Չե՛, էդ մեկը:

ՁՄԵՌ ՊԱՊ

Էլ ի՞նչ:

ԱՂՋԻԿ

Մի գույգ շնուշկ:

ՀԱՂՈՐԴԱՎԱՐ

Տիկնա՛յք և պարոնա՛յք, Ձմեռ պապը փոքրիկ աղջկան հանձնեց Սուրբ Ծննդյան

իր ընծան, իսկ այժմ մի ուրիշ մանուկ էլ է բեմ գալիս: Այս մեկը փոքրիկ տղա է:

ՁՄԵՌ ՊԱՊ

Այսպե՛ս, այսպե՛ս, հապա նայեք՝ ով է այստեղ: Իսկ ի՞նչ է քո՛ անունը, փոքրի՛կ:

ՏՂԱ

Ձո:

ՁՄԵՌ ՊԱՊ

Ձո ի՞նչ:

ՏՂԱ

Ձո Բեննեվրնթ: Տասնմեկ ու կես եմ: Ապրում եմ...

ՁՄԵՌ ՊԱՊ

Օ՛հ, այո՛: Լա՛վ, դու ի՞նչ ես ուզում Սուրբ Ծննդյան առթիվ:

ՁՈ

Հեծանիվ:

ՁՄԵՌ ՊԱՊ

Էլ ի՞նչ:

ՁՈ

Բա որտե՞ղ է:

ՁՄԵՌ ՊԱՊ

Ի՞նչ, Ձո՛:

ՁՈ

Ասում եմ՝ որտե՞ղ է հեծանիվը:

ՁՄԵՌ ՊԱՊ

Ահա քո նվերը, Ձո՛: Իսկ հիմա՛ տեսեք, թե ով է բարձրանում սանդուղքներով:

ՋՈ

Ի՞նչ կա էս փաթեթում: Ախր էս հեծանիվ էմ ուզում:

ՁՄԵՌ ՊԱՊ

Իսկ ի՞նչ է քո անունը, պատի՛կ աղջիկ:

ԵՐԻՏԱՍԱՐԴ

(Հեռվից՝ բարձր ու գայրացած)

Մի բուպե, Ձմեռ պապ: Էս ի՞նչ է կատարվում էստեղ:

ՁՄԵՌ ՊԱՊ

Հը՞, ի՞նչ է:

ԵՐԻՏԱՍԱՐԴ

(Ավելի մոտիկից)

Ամեն մեկին՝ հերթով, Ձմեռ պապ: Նրանք չեն ստանում իրենց ուզածը: Ջոն հեծանիվ է ուզում:

ՁԱՅՆԵՐ

Ո՞վ է այս մարդը: Խմա՞ծ է: Ի՞նչ է պատահել:

ԵՐԻՏԱՍԱՐԴ

Ջոյին տվեք իր հեծանիվը: Ալիսին տվեք իր կարմիր համազգեստը և չմուշկները: Մի բուպե՛, երեխանե՛ր: Մի բուպե՛, Ձմեռ պապ: Բան ունեմ ասելու:

ՈՍՏԻԿԱՆ

(Իջնելով շարքերի միջով)

Տեղիցդ չշարժվե՛ս, երիտասա՛րդ:

ԵՐԻՏԱՍԱՐԴ

Լսե՛ք, պարո՛ն ոստիկան: Նա չի տալիս նրանց ուզածը:

ՈՍՏԻԿԱՆ

Շատ լավ, շատ լավ, ի՛նձ հետևիր:

ԵՐԻՏԱՍԱՐԴ

Մի բուսե: Որտե՞ղ է Ձոն:

(Բղավելով)

Ձո Բեննե՛վրնք: Ե՛ս կճարեմ քո հեծանիվը: Ես հեծանիվը ձեր տուն ուղարկել կտամ:

ՈՍՏԻԿԱՆ

Հիմա գնացի՛նք:

ԵՐԻՏԱՍԱՐԴ

Դու ինչպե՞ս կարող ես նրանց հարցնել, թե ովքեր են իրենք, որտեղ են ապրում, քանի տարեկան են, ինչի կարիք ունեն, իսկ հետո նրանց ճանապարհել այդ ողորմելի փաթեթներով, որոնց սեջ իսկի բան էլ չկա: Ու՞ր է Ալիսը: Ես քեզ համար չնուշկներ ու կարմիր համազգեստ կգտնեմ, կբերե՛մ:

ՈՍՏԻԿԱՆ

Գնացի՛նք, գնացի՛նք:

(Նրանց ուրվագծերը հետզհետե աղոտանում են պարեկատուն շարժվելիս):

Ի՞նչ է պատահել, ա՛յ տղա:

ԵՐԻՏԱՍԱՐԴ

Չե՞ք հասկանում, որ պարտավոր են տալ նրանց ուզած բաները:

ՈՍՏԻԿԱՆ

Ինչի՞ մասին ես խոսում:

ԵՐԻՏԱՍԱՐԴ

Ձո Բեննեվրնքը հեծանիվ է ուզում: Նա պետք է հեծանիվ ունենա:

ՈՍՏԻԿԱՆ

Ի՞նչ տարբերություն: Հեծանի՞վ, թե՞ մի ուրիշ բան:

ԵՐԻՏԱՍԱՐԴ

Դա պետք է լինի էն, ինչ նրանք են ուզում, անկախ նրանից, թե դա ինչ է:

ՈՍՏԻԿԱՆ

Դու պետք է գետինը մտնեիր Սուրբ Ծննդյան երեկոն այդպես փչացնելու համար, մանավանդ որ դա աղբատ, անապահով մանուկների համար էր:

ԵՐԻՏԱՍԱՐԴ

Նրանք գործ չունեն նման ձևով հանդես անելու հետ: Նրանք չեն գիտակցում, բայց երեխաներին ծաղրուծանակի են ենթարկում: Չոյի համար կարևոր է իր հեծանիվը ստանալ, եթե վստահ է, որ ինքը հեծանիվ է ուզում կամ ունի դրա կարիքը, որպեսզի երջանիկ լինի:

ՈՍՏԻԿԱՆ

Շատ լավ, դե մի հեծանիվ գնիր նրա համար: Ո՞վ ես դու՝ Ձմեռ պա՞պ:

ԵՐԻՏԱՍԱՐԴ

Չէ՛, Ձմեռ պապ չեմ, բայց ես կարող եմ Չոյի համար ինչ-որ տեղից մի հեծանիվ ճարել:

ՈՍՏԻԿԱՆ

Դու հարբած ես:

ԵՐԻՏԱՍԱՐԴ

Ո՛չ, հարբած չեմ: Սուրբ Ծննդյան տոնն է, և անկասկած բավականին խմիչք ունեմ կատարս տաքացնելու համար: Բայց ես հարբած չեմ: Էդ ամբողջ հանդիսատեսից առնվազն մեկ երեխա պետք է ստանա իր ուզածը:

ՈՍՏԻԿԱՆ

Ի՞նչ ես ուզում անել. երեխայի համար հեծանիվ ձեռք բերել:

ԵՐԻՏԱՍԱՐԴ

Հա՛, բա ոնց: Նա էլ ուրիշ բան չի խնդրել: Ասել է՝ մի հեծանիվ: Տուն ուզող փոքրիկ մի աղջիկ կար: Իսկական տուն: Բան չունեմ ասելու. ես չէի կարող նրա համար տուն ձեռք բերել, բայց կարող եմ Չոյի համար հեծանիվ ճարել: Էդ մանչուկներից գոնե մեկը պետք է ստանա իր ուզածը:

ՈՍՏԻԿԱՆ

Լավ, լավ: Հասկացա:

(ՎԱՐՈՐԴԻՆ)

Կանգնեցրո՛ւ ավտոխցիկը, հա՞, Բի՛լլ:

(Պարեկը կանգ է առնում)

ԲԻԼԼ

Ի՞նչ է պատահել:

ՈՍՏԻԿԱՆ

Նա ցանկանում է այդ աղքատ երեխաներից մեկի համար գնել այն, ինչ երեխան ուզում է: Հենց այն, ինչ ուզում է: Չես կարող դրա համար նրան մեղադրել: Ես մտադիր եմ նրան բաց թողնել:

ԲԻԼԼ

Լավ, Մա՛ք: Ինձ համար մեկ է: Հե՛յ, ախպե՛րս, երեխեն ի՞նչ է ուզում որ...

ԵՐԻՏԱՍԱՐԴ

Նրա ամբողջ ուզածը մի հեծանիվ է, ընդամենը դա: Ուրիշ ոչինչ:

ԲԻԼԼ

Ի՞նչ արժե հեծանիվը:

ԵՐԻՏԱՍԱՐԴ

Հոգ չէ, թե ինչ արժե: Ես նրա համար կճարեմ իր ուզած հեծանիվը:

ՈՍՏԻԿԱՆ

Ի՞նչ է, հարու՞ստ ես:

ԵՐԻՏԱՍԱՐԴ

Չէ՛, հարուստ չեմ, բայց ավելին ունեմ, քան պետք է: Նրա՛նք են աղքատ: Դուք չեք կարող նրանց բոլորին տալ էն, ինչ ուզում են, մինչդեռ դու կարող ես նրանցից գոնե մեկին տալ էն, ինչ ուզում է:

ՈՍՏԻԿԱՆ

Լա՛վ, առաջ գնանք: Կարծում ես՝ կկարողանա՞ս գտնել երեխային:

ԵՐԻՏԱՍԱՐԴ

Ես կգտնեմ նրան: Անունը Չո Բեննեվընթ է:

ՈՍՏԻԿԱՆ

Բեննե՞վընթ: Դա այն երկու տղաներից մեկի անունը չէ՞, ում երեք, թե չորս տարի առաջ խոշոր կողոպուտի համար նստեցրել են:

ԵՐԻՏԱՍԱՐԴ

Հա՛, կարծեմ դա է:

ՈՍՏԻԿԱՆ

Երևի նրա եղբորը:

ԵՐԻՏԱՍԱՐԴ

Երևի:

ՈՍՏԻԿԱՆ

Ի՞նչ էր նրա անունը:

ԵՐԻՏԱՍԱՐԴ

Նիք:

ՈՍՏԻԿԱՆ

Ճի՛շտ է: Նիք Բեննեվընթ: Հա՛, կարծում եմ, որ նրա պես երեխան պետք է ստանա իր ուզածը... Լա՛վ, դու կարող ես նրա համար մի հեծանիվ ճարել:

ԵՐԻՏԱՍԱՐԴ

Շնորհակալություն:

(Դադար):

Շատ շնորհակալ եմ:

(Ցած է իջնում):

ՈՍՏԻԿԱՆ

Չարժե:

(Դադար):

Նիք...

ԲԻԼԼ

Նի՞ք ասացիք:

ՈՍՏԻԿԱՆ

Հա՛, Նիք Բեննեվընթ: Դե, գնացի՛նք:

(Պարեկը քշում, հեռանում է: Լսվում է երթևեկության ձայնը. ավտոմոբիլներ, տրամվայներ, մետրոյի գնացքներ և այլն: Հետո՝ փողոցի մեծաքանակ մարդկանց խուլ աղմուկը):

ԵՐԻՏԱՍԱՐԴ

(Ընդդեմ քաղաքի աղմուկի)

Մի բուպե, Ձմեռ պապ: Ես ցանկանում եմ խոսել ձեզ հետ: Եվ դուք էլ լսեք, երեխանե՛ր:

(Երաժշտություն):

Փորձե՛ք չափից շատ բան չուզել, թեև կարևոր չէ, թե որքան եք ուզում, կամ ինչքան քիչ եք ստանում, տուն սրտաբեկ մի՛ գնացեք, որովհետև դուք տեսաք ու գրուցեցիք նրա հետ, իսկ նա ձեզ չտվեց էն, ինչ ցանկանում էիք: Կարիքավոր մարդիկ շատ կան. փորձեք չափից շատ բան չուզել, փորձեք բավարարվել ձեր ունեցածով, որովհետև ձեր ունեցածը լիուլի է. չէ՞ որ աշխարհը ձեզ տրված է ապրելու համար, իսկ աշխարհը լավ տեղ է, չէ՞ որ դուք ցերեկ ունեք՝ դրպրոց գնալու և խաղի համար ու չէ՞ որ գիշեր ունեք՝ տուն վերադառնալու, գրքեր կարդալու, անկողին մտնելու և քնելու համար. չէ՞ որ ձեզ կյանք է տրված. ոչ ոք ձեզ չի մեղադրելու շատ ուզելու համար. սարսափելի շատ-գոնե՛ ամեն Սուրբ Ծնունդին,- բայց վատ մի՛ զգացեք դրա համար, որովհետև դուք ավելին ունեք, քան որևէ մեկը: Իսկ դու, Ձմեռ պապ, քեզ հիմարի տեղ մի՛ դիր, հա՞: Նրանց

շարունակ մի՛ հարցրու, թե ինչ են ուզում. նրանց մի՛ ստիպիր կարծելու, թե դու պատրաստվում ես տալու իրենց ուզած ամեն ինչը, իսկ հետո բան էլ չես տալիս: Մի քիչ խելք ունեցիր էդ գլխիդ մեջ, էլի: Փորձիր ցույց տալ նրանց, թե որչափ արդեն ունեն, նույնիսկ եթե նրանք աղքատ են, նույնիսկ եթե իրոք կարիք ունեն թե՛ իսկական տների, թե՛ գգեստների, թե՛ ուտելիքի և թե՛ բոլոր մյուս բաների: Փորձի՛ր քաջալերել նրանց, հաճույք գգալ էն բանից, ինչ որ ունեն: Նրանք հավատում են քեզ, ուրեմն աշխատեցրու՛ ուղեղդ: Եթե չես կարողանում նրանց տալ ինչ ուզում են, փորձի՛ր նրանց հասկացնել, թե որքան արդեն ունեն: Քեզ մի՛ պահիր հասարակ մարդ արարածի պես. նրանք քեզ հավատ են ընծայում, նրանք հավատացած են, որ դու կարող ես ցանկացած բան անել, ամեն, ամեն ինչ, իսկ դու անկարող ես, ուստի թող նրանք դա իմանան, էդ դեպքում փշրված սրտերով չեն վերադառնա իրենց ետնախորշերը: Մենք սիրում ենք քեզ, Ձմեռ պապ, բայց փորձի՛ր ուղեղդ շարժել, էլի: Հարցն իրերը չեն, որ նրանք ուզում են կամ որոնց կարիքն ունեն, ու դու պարտավոր ես դա նրանց սովորեցնել: Դու պարտավոր ես նրանց տեղեկացնել, որ կարևոր չէ՝ ինչքան քիչ բան ունեն, նրանք միշտ էլ կարող են ուրիշներին տալ, և դու պետք է սովորեցնես նրանց, որ միայն տալն է նրանց երջանկացնելու: Եվ դու ես պարտավոր նրանց տեղեկացնել, որ իրենք ստիպված չեն «ինչ-որ բաներ» տալ: «Ինչ-որ բաները» կարելի է գնել, բայց էն լավ բաները, որոնք կարող են տրվել, չեն կարող գնվել: Լավ բաները ծնվում են մարդկանց մեջ, և դրանք էնտեղ են միշտ՝ սպասելով դիմացինին փոխանցվելուն: Եվ մարդկանց նվիրելը միակ բանն է, որ կարող է ցանկացած մարդու երջանկացնել: Հիմա դառնամ ձեզ, երեխանե՛ր: Սուրբ Ծննդյան տոնի լույսերն ավելի պայծառ չեն, քան ձեր հոգու լույսերը: Աշխարհում ավելի հրաշալի նվեր չկա, քան էն, որ ինքներդ ձեր սիրելիներին ասում եք՝ ես սիրում եմ ձեզ: Չկան ավելի անուշ ու ջերմ բաներ, քան ձեզ համար ոչինչ չպահանջող և ուրիշներին սեր պարգևող ձեր իսկ սրտերը: Չկա ավելի հանդիսավոր ու գեղեցիկ օր, քան ցանկացած սովորական օր, երբ հիշում ես, որ տալը, այո՛, ավելի լավ է, քան ստանալը: Իսկ ձեզնից ամեն ոք կարող է տալ: Ձեզնից յուրաքանչյուրը մի-մի միլիոնատեր է՝ հրաշալի բաներ տալու համար: Ոչ մի ընծա ավելի թանկարժեք չէ, որքան էն, ինչ տալիս եք ձեր ունեցածից: Եվ ինչքան շատ տաք, էնքան շատ կստանաք: Սպասե՛ք, երեխանե՛ր: Արդեն գիտեք, որ մեզ պես դուք էլ եք մեծանալու և գուցե նույնիսկ էն ժամանակ էլ չիմանաք, թե ձեզնից յուրաքանչյուրը միշտ ինչ պետք է տա և ստանա ու գուցե

մտածեք, թե ինքներդ էլ չեք ստացել լավ բաներ, երբ երեխա եք եղել: Դուք պարտավոր եք իմանալ, որ լավ բանը ձեզ համար, մեզնից յուրաքանչյուրի համար միայն էն է, թե մեզնից ամեն մեկն ինչ պետք է տա, իսկ մեզնից ամեն մեկը մեծ անելիք ունի՝ ավելի շատ, քան ինքը՝ Ձմեռ պապը: Դուք պարտավոր եք դա իմանալ, երեխանե՛ր: Եթե երբևէ ցանկանում եք երջանիկ լինել, դուք պետք է գիտակցեք դրա մասին էս պահից: